

ODBOR ZA ZAŠTITU LJUDSKIH PRAVA I SLOBODA
NOVI PAZAR, SANDŽAK

ADRESA: OSMANA ĐIKIĆA BR. 2 - 36300 NOVI PAZAR, SANDŽAK - TEL./FAX 0038 20 29 312

Sjenica, 19. 01. 1994. god.



IZJAVA

Ime i prezime BEHA HUKIĆ datum rođenja [redacted] 1937.
Mjesto Rasovo, B. Polje br. lk. i mjesto izdavanja 23489 SUP Sjenica
Datum događaja 03.12.1993. mjesto događaja Karajukiće Bunare u koliko sati 10 - 16
Imena svjedoka _____
Ko je povredio vaša prava pripadnici MUP-a Srbije : Mile Nedić, Dragan Paunović, 7 milicionera

OPIS DOGAĐAJA

Oko 10 sati i 30 minuta pred kuću je stigao Dragan Paunović, milicioner. Dolje na putu su bila dvoje policijskih kola. Dragan je pitao dje je Braho. Rekla sam da je u školi, na poslu. "Kako u školi kad se deca vraćaju sa časova kući" - rekao mi je. i dodao " SDA mu je dodijelila automatsku pušku i on treba sad da je vrati". Rekla sam da mi nemamo nikakvu pušku i da to nije istina. U to je stigao i Braho. Dragan ga povuče u stranu i reče mu : "Braho dodijelila ti je SDA pušku, baci je ovdje i niko neće znati". Braho je rekao da nema nikakvu pušku. "Dobro - rekao je Dragan i povukao ga je do kola "tamo ćeš je roditi". Rekao mu je da uzme ličnu kartu a Braho mu je rekao da ličnu kartu ima kod sebe. Kad je stigao do kola pitali su ga hoće li da ga vežu. Braho se nasmejao, rekao "ne" i seo u kola. Sa njim su priveli i sina Rečka Kučevića, njega su vezali. Dragan mi je rekao da dovedem Raifa. Dabogda taj dan ne došao ni onome ko mi je ubio Braha.

U potok, pred džamijom su čekali Kelju Hukića i Relju-Redžepa Hukića. Rešla sam Draganu "Dragane nemoj mi dijete teretit". On mi je rekao "haj ti tetka kući, Braho je priznao".

Muž Raif mi je bolestan pa sam ja sama pošla za Karajukiće Bunare da vidim šta mi je sa detetom. U Karajukiće Bunare sam stigla u 15 sati. Prvo sam otišla do Dragana Rakočevića. Njega smo poznavali i mislila sam da će nam pomoći. On mi je rekao "nisam ti ga ja uzeo već vaši iz SDA".

Na vrata mjesne kancelarije me zaustavi Mile Nedić. "Koga tražiš"

.../...

DATUM 19. 01. 1994.
MJESTO Sjenica

IZJAVU DAO

IZJAVU UZEO U IME ODBORA
[Signature]
izjavu dao

pitao me je. "Tražim Ibrahima, kod njega su mi ključevi". Braho je bio iza njega i pokazivao me rukom da ga pričekam napolje. Mile je od njega uzeo ključeve i dao mi ih. Rekao mi je "Idi, gubi se, znam ja tebe ko zle pare u kesi". Kad sam izlazila Braho mi je rukom pokazao da udjem u kafanu Osmana Hukića. Tu sam ga i sačekala.

Za dva minuta Braho je došao i seo pored mene. Naručila sam mu kahvu i paklo cigara. Bio je nekako smoren i teško je disao. Rukom se držao za prsa. Nedugo zatim u kahvu udje i Mile Nedić i sede u čošku. Kako sede reče da Braho dodje kod njega. Braho je zavikao "pošto sam već seo neka me ovdje". Ibrahima su bili od 11 do 16 sati.

Kad smo izlazili Mile je izašao za nama i rekao Brahu "ko čovek sam te pustio, sutra do deset da dodješ i doneseš". "Bez brige" - odgovorio je Braho. Ja nisam znala ni šta da donese ni šta je to Braho priznao.

Pitala sam Braha "Imaš li ti Braho pušku, kako ćeš je nabavit". Rekao mi je da je pod prisilom morao da prizna i kaže da ima pušku iako je nema. "Otkud mi puška, al morao sam nešto da im izmislim i kažem, bili su me. Rekao sam im da imam pušku, da sam je kupio u Crnoj Gori i zakopao je pod jednu krušku poviše stare kuće u Rasovu (Bijelo Polje). Za pare rekao sam im da sam uzajmio kod daidže Rasima".

Istoga dana izvršen je pretres u tri kuće Gredića u Rasovu. Rasim Gredić moj brat je priveden i isprebijan u Sup-u u Bijelo Polje. U pretresima ni kod koga od njih nije nadjeno ništa. Za to smo tek sutradan čuli.

Sutradan izjutra Braho je otišao za Skoplje a iz Skoplja za Tursku. Bio je sav isprebijan. Teško je disao i žalio se da ga probada u prsima. Rekli su mi da je u Turskoj jedno vrijeme bio u bolnici na liječenju, imao je dva polomljena rebra.

Istorija nije zapamtila ovu našu muku. Rat je drugo. Rat je rat. Dodju i prebiju te i ti, šta ćeš, trpiš. Muka.

U Sjenici,
19.01.1994.god.

Xypul Genco
(izjavu dao-ime i prezime)